

23.4 RAPPORT VAN DIE DEPUTATE INTERNET (Artt 116, 144, 272)

- A. Ds HF van Wyk lewer die Rapport.
- B. **Besluit:** Die Rapport word verwys na Kommissie Publikasies en Media. Finansiële sake word verwys na die Kommissie vir Finansies.
- C. Ds JP Fleischmann rapporteer namens die Kommissie Publikasies en Media.
- D. Ds J van Schaik rapporteer namens die Kommissie vir Finansies.

E. RAPPORT

1. Opdrag

- 1.1 Om die huidige webblaaie (www.gksa.co.za) in stand te hou en verder uit te bou na die eis van omstandighede.
- 1.2 Om met alle Deputate te skakel en hulle inligting op die webblad (www.gksa.co.za) te publiseer vir gebruik deur alle kerke in die GKSA.
- 1.3 Om ondersoek te doen na rekenaarprogramme en inligting oor die programme aan die kerke deur te gee.
- 1.4 Om met alle gemeentes te skakel met eie tuisblaaie en die inligting aan alle kerke deur te gee.
- 1.5 Om met alle gemeentes te skakel en hul te motiveer om in te skakel by die inskakeldiens van die GKSA (www.gksa.co.za). Motivering: dit het 'n klein finansiële voordeel vir die kerke en die Administratiewe Buro.
- 1.6 Onderzoek instel na die volgende sake, en indien dit wel uitvoerbaar is, te implementeer:
 - 1.6.1 Katkisasiewerkboeke in geprogrammeerde elektroniese formaat aan kinders beskikbaar te stel wat katkisasievoorbereiding binne hulle leefwêreld bring en bevorderlik kan wees vir goeie voorbereiding.
 - 1.6.2 Programme om die Belydenisskrifte (beter) te leer ken, te ontwikkel.
 - 1.6.3 Programme om die Bybelkennis van kinders (en ook volwassenes) uit te bou, te ontwikkel.
 - 1.6.4 Advies aan kerke te gee oor die sterk en swak punte van beskikbare gemeente-administrasieprogramme. Wanneer 'n gemeente oorweeg om hulle gemeente-administrasie te rekenariseer of om 'n nuwe program aan te skaf of te ontwikkel, kan sulke inligting van kundiges baie waardevol wees.
 - 1.6.5 Advies te gee oor finansiële pakkette wat sinvol deur kerke gebruik kan word.
 - 1.6.6 Advies te gee na konsultasie met gemeentes aan ontwikkelaars van gemeente-administrasieprogramme.
- 1.7 Die rol wat elektroniese kommunikasiehulpmiddels kan speel, verder te ontgin. Enige ander aspekte van IT en kommunikasie moet in diens van die koninkryk van God aangewend word.

Besluit: Kennis geneem van 1.1 tot 1.7.

2. Uitvoering van Opdrag

- 2.1 Na die beste van die Deputate se vermoëns uitgevoer.
- 2.2 Skakeling het met Deputate C.O., CJBFB en Kategese plaasgevind. Al hierdie Deputate het 'n dringende behoefte aan die daarstelling van 'n webblad. Daar is egter twee sake wat in al drie die gevalle 'n struikelblok is in die uitvoering van die opdrag:
 - 2.2.1 Die Redakteur Internet het nie tyd om die webblaaie te skep nie.
 - 2.2.2 Waar daar van eksterne skrywers van webblaaie gebruik gemaak word, is dit baie duur en die eenheid en eenvormigheid van die GKSA-webblad bly in die slag.
- 2.3 Waar daar versoeke was, is daaraan aandag gegee en die skakels in op die Internet aangebring
- 2.4 Hierdie opdrag is nie uitgevoer nie as gevolg van beperkte tyd van die Redakteur.

- 2.5 Met die verskuiwing van die webblad na 'n nuwe diensverskaffer het hierdie diens nie gerealiseer nie. Verder het die gemeentes wat wel webblaai het, reeds 'n eie diensverskaffer.
- 2.6 Verdere opdragte:
 - 2.6.1 Dit het nie gerealiseer nie. Kyk punt 3 (1) en (2).
 - 2.6.2 Dit het nie gerealiseer nie.
 - 2.6.3 Dit het nie gerealiseer nie.
 - 2.6.4 Waar daar navraag was, is die nodige advies gegee.
 - 2.6.5 Daar was geen navrae nie.
 - 2.6.6 Waar daar navraag was, is die nodige advies gegee.
- 2.7 Die webmeester net in samewerking met die kerklike tydskrifte seleksies van elke *Kerkblad*, *Vroueblad* en *Slingervel* maandeliks op die Internet geplaas. Verder is die fasiliteit geskep dat die drie tydskrifte via Internet gelees kan word vir dieselfde intekenfooi wat die onderskeie tydskrifte vra. Diegene wat op hierdie wyse die tydskrifte lees, bespaar is op die posgeld.

Besluit: Kennis geneem van 2.1 tot 2.7.

3. Sake waarvan die Sinode kennis moet neem

- 3.1 Die Deputate Internet is dit eens dat die webblad 'n eenvormige beeld moet uitstraal. Om die eenvormigheid te bereik, is dit nodig dat die webmeester en moontlike helpers verkieslik dieselfde sagtewareprogram moet gebruik. Dit het die voordeel dat eenvormige bladsye moontlik is.
- 3.2 By beide Sinode 2003 en Sinode 2006 is daar in sowel die Kommissies as in die vergadering hulp met die skryf van die webblad aangebied. Die Redakteur het persoonlik met elkeen wat hulp aangebied het, geskakel. Geen hulp het gerealiseer nie. Die redes is hoofsaaklik die diene wat kan help, ander sagteware gebruik, asook dat versoeke net doodeenvoudig nie uitgevoer is nie met die verskoning dat die persone nie tyd het nie.
- 3.3 Die Deputate is van mening dat die Internet in die moderne tyd dié vertoonblad van enige kerk of organisasie is. Dit is die plek waar die meeste inligting inwin oor die funksionering van die kerk, haar belydenis en oor waar die onderskeie gemeentes is.
- 3.4 Die Deputate het op die webblad 'n funksie ingeskryf waarin alle gemeentes self hulle inligting op datum kan hou. Minder as 10% van die gemeentes maak gebruik van hierdie fasiliteit. Die Deputate het 'n vergadering met lede van die Administratiewe Buro asook lede van die Deputate Almanak gehou waarin die moontlikheid van 'n eenvormige databasis van alle gemeentebesonderhede ondersoek is. Uit die vergadering het geblyk dat die twee databasisse moeilik versoekenbaar is, en dat die inligting op die Internet op datum gebring kan word teen 'n aansienlike koste. Die Bestuur van die Administratiewe Buro het nie die koste goedgekeur nie. In die Bylae wys die besoeke aan hierdie deel van die webblad dat daar baie behoefte is dat hierdie gedeelte op datum gehou moet word.
- 3.5 Die Internet behoort die mees onlangse inligting oor alle gemeentes en predikante te bevat. Tans het slegs die Administratiewe Buro die mees resente inligting, maar die inligting is nie toeganklik vir buite-kerklikes nie – omdat hulle nie die moeite doen om die Administratiewe Buro te skakel nie. Verder is die Administratiewe Buro nie 24 uur per dag beskikbaar nie. Vir die kerk self is die Inligting in *Almanak* gewoonlik ten minste ses maande oud sodra dit verskyn, en 18 maande oud by die verskyning van die volgende *Almanak*.
- 3.6 Die Poslys en die Forum is deur die webmeester op sy verantwoordelikheid bedryf.
- 3.7 Beroepenuus word op die Internet in 'n formaat geplaas dat selfoongebruikers oor daar die beroepenuus kan lees.
- 3.8 Fees 150 asook ander gebeure soos die GTV en konferensies is ook gefasiliteer op die webblad.

Besluit: Kennis geneem van 3.1 tot 3.8.

4. Aanbevelings

- 4.1 Die Sinode besin en besluit oor die wenslikheid van die voortgang van die webblad.
- 4.2 Die Sinode begroot en befonds 'n voltydse webmeester. Die omvang van die werk is so groot dat dit nie meer op 'n deeltydse basis gedoen kan word nie. Hierdie webmeester moet verkieslik in Potchefstroom gesetel wees, waar hy / sy toeganklik is vir alle Deputaatgroepe. Deputategroepe kan dan hulle werk wat op die Internet geplaas moet word, deur die webmeester doen. So word die eenheid van die blad en die eenvormige beeld van die webblad behou.
- 4.3 Die webmeester werk saam met 'n Redaksiekommissie wat sowel tegniese as inhoudelike advies gee.
- 4.4 Die webmeester behoort op hoogte te wees van die funksionering en belydenis van die GKSA sodat die webblad dit kan weerspieël.

Besluit: Goedgekeur. Daar moet begroot word vir 'n webmeester om uitvoering te gee aan die opdragte. [Kyk ook by 17.2, artt 1.2.13, 1.2.16 en 1.2.23.]

Die Sinode gee opdrag aan die Bestuur van die Administratiewe Buro om in hulle ondersoek rondom die aanstelling van 'n voltydse webmeester, lidmate en enige ander lidmate wat soortgelyke dienste aanbied, te nader.

Besluit: Goedgekeur met groot dank.

5. Slot

Hierdie Deputate besef dat alle opdragte van die Sinodes nie uitgevoer kon word nie. Die Deputate het hulle opdrag met die grootste oorgawe en ywer uitgevoer binne die beperkte tyd en bronne tot hulle beskikking.

Besluit: Kennis geneem.